

欽定古今圖書集成

方輿彙編職方典



欽定古今圖書集成方輿彙編職方典

第四百二十九卷目錄

河南府部彙考三

河南府山川考下

水利附

職方典第四百二十九卷

河南府部彙考三

河南府山川考下

府縣志合載

永寧縣

鳳翼山 在縣北一里以形如鳳翼故名

延壽山 在縣西五里山有香泉飲之者多壽

金門山 在縣南三十里一名律管山玉泉記

所謂取宜陽金門竹爲管河內葭草爲灰吹之以候陽氣者舊志云黃帝命伶倫取竹於此以

造律呂按前漢律曆志伶倫取竹在大夏之西
崑崙之陰

懊來山 大禹疏河鑿山中斷以導雒至龍頭
山而勢不相接若悔懊然也山中有碑刻岳飛
行兵至此

清風山 在縣東南三十里以山形高聳清風
自來故名

大柱山 距縣西十五里山形如柱
香爐山 在縣東北二十里以形得名

仁壽山 距縣二十里

明月山 距縣四十里高峻清曠月明則先得
之

兩耳山 在縣治以形似取名

紫蓋山 距縣四十五里雲騰山頂如蓋

三峰山 距縣一百十里巖下有寥陽洞洞中
有頤真庵丹陽白真人修元於此山中有真人
僊跡

楊柏山 在縣西南四十里山間有一谷谷有

八區洞

馬英山 距縣五十里

攢盤山 距縣八十五里形如峩冠端冕出羣

山之上纜舟在攢盤山腰其椿宛然

駝羊山 在縣治山形前凸後凹如駝形之象

故名

三磴山 距縣一百二十里

象車山 在縣治其形如車故名

九轉山 距縣三十里山路盤旋至絕頂曲折

九轉因以名山

東垣山 距縣七十里山中平坦四面高聳不

異垣牆

黃塘山 距縣八十里雨則聚旱則涸

三鄉山 在縣東三十里界

鳥啄峯 在縣南三十里狀如鳥之吞物

獅子巖 在縣治下有一石狀如獅子

角雞洞 在縣畢村堡

騰騰洞

狗難子洞 俱在縣樊村堡

楊林莊洞

礦子嶺洞 俱在縣古村堡

東林園洞

馬槽洞 俱在縣底張堡

三磴洞 甕裏洞 沙溝洞 象車山洞

鐵鑪坪洞 俱在縣故縣堡

大石澗洞 在縣馬村堡

同峪溝 在縣西四十五里長水嶺北山下二

水合流南入洛

小啼哭溝 在縣西六十里

大啼哭溝 在縣西七十里漢世祖微時避更

始之亂潛行過此嘗謂人曰今更始誅吾兄續

俾官屬迎我我不與交私語但深自引避未嘗

自伐又不敢為兄服喪飲食言笑不變每獨居

處輒不敢御酒肉其枕席間恆啼哭下淚於人

煙遠處則大啼哭人煙近處則小啼哭恐更始

部屬聞知有未便爾俗遂以此名溝

王官谷 在縣東南四十里大柱山中爾雅曰
水注谿曰谷

新安縣

文峯 在縣城東南隅明嘉靖四十年知縣王
州建鐵塔於山巔題曰興文寶塔舊名望火樓
後改建重樓今廢

鐵塔山 在縣正北里許爲縣龍正脉萬曆時
建鐵塔於此遠望巍然

余山 在縣北一里其形高若屏壘

八陡山 在縣東八里東西通衢其山陡險或

云山有八峯又名八將山

長石山 在縣東南五里

鏤脚山 在縣東南二十里其形似鏤脚

大石嶺 在縣東南三十里

重山 在縣南三里屏山如鼠伏有星士謂此
山能耗城中之糧明成化以前倉在山下今廢

白石山 在縣南五里山巔有古寺今廢

密山 在縣南十五里

郁山 在縣西南二十里出郁李仁

巖山 在縣西十里又名崛山

青龍山 在縣西三十里

鳳凰山 在縣西三十里與青龍山相對如闕

澗水中流謂之闕門俗稱鐵門

隊山 在縣西北十八里兩山相對如隊

方山 在縣西三十里

青旻山 在縣西北三十里

瞻渚山 在縣東南二十一里山海經云瞻渚

之山少水出其陰

玉屏山 在縣南五里俗名樊家山狀如屏爲

縣衛山右都御史鄉賢呂孔學墳墓在焉

荆紫山 在縣西北一百一十里黃河南岸境

內之最高者

天壇山 荆紫山一峯之高者上有神祠其北

有天壇

塔底山 在縣西北一百里其山崎峻旁一峯

聳削如塔

玉鞍山 在縣北二十五里其形如鞍

谷山 在縣北三十里

冠山 在縣北五十里其山如冠

北邙嶺 在縣東北二十里

青石山 在縣南八里

鷹巢嶺 在縣東北四十里山有梭木樹圍合

抱俗傳唐武后避暑宮故基

雲坡 在縣二十五里俗名銀坡

沙崖 在縣北五十五里羣山四拱中有小水

自張家莊北流入黃河即馬陵川山南流大

膽礬洞 在縣北四十里內產膽礬昔有人入

洞數十步寒風如瘴懼而出至今不可採山南

夫人纏 在縣北七十里即青要山其山陡險

自長泉寺至回龍寺東西互四五里石磴參差

俯瞰河流山畔一路如線內有怯山橋通斷崖

往來處明成化二年北村尚昇建

龍澗河 在縣西北二十里自青崖底發源經

省莊東南入澗居民引以灌田

東門小河 在縣東門外由縣北十里朱家坡
 引溝二水相會南繞東門入澗亦名金水
 泥河 在縣西郭外源出北山之陽南流入澗
 澗河 在縣城南源出澗池白石山經縣東南
 繞縣東入洛禹貢伊洛纏澗既入於河即此
 城潢河 在縣南十五里
 安溝河 在縣西北十五里源出羊義北山南
 流會龍澗河入澗
 長垣河 在縣西北八里源出隊山南流入澗

黃河 在縣北六十里經荆紫山青要山之北
 東注孟津

觀音磧 在縣北六十里黃河灘有巉石自南
 岸入河數十步壅遏水勢驚濤曲折舟行多危
 皂澗 在縣東南隋煬帝曾於此造顯仁宮宋
 進士溫堂皂澗里人

磁澗 在縣東三十里即城黃河入澗
 豪水 在縣南十五里源出密山南流歷九曲
 入於洛

金水 在縣東北三十里東流經洛陽金水堡入澗隋都洛改繞皇城故名今縣東門外亦有金水

孝水 在縣東四十里水經注孝水出鹿山之陰北流注於穀相傳晉王祥剖冰處

芝泉 即寶泉在縣北慕容山後泉水溢流東至北城下鑿注於泮池

溫泉 在縣西南三里羣山之壑北流入澗冬月不冰宋錢緯葬夷子里煖泉村即此

石龍泉 在縣東北二十五里

石泉 在縣西二十五里爛柯山下三泉併湧西流入澗

惠靈侯泉 在縣東北十五里宋紹聖二年河南大疫病者赴泉飲之立愈因立惠靈廟

鹿跑泉 在縣東北五十里俗傳有鹿跑地泉水湧出

滴流泉 在縣北四十里水自懸崖下滴匯為泉清響可愛

石溜泉 在縣北二十里石間出泉澄澈如鏡
長泉 在縣北六十四里長泉村

子貢谷 在縣西南三十里

練峪 在縣西南二十里自郁山北流入澗水

清如練一名牛口峪

雍谷 在縣西南三十里

景陽川 在縣北三十里

羊馬川 在縣東北二十里源出東白牆村北

山會金水入澗俗傳唐武后牧羊於此

馬陵川 在縣北四十里中有一水自張家莊

經沙崖北流入河諺稱龐涓夜走馬陵川卽此

石井 在縣北七十里石井村東深數尺水自

石竇湧出飲居民數百家

匡口渡 在縣北六十里黃河南岸爲河之南

北濟渡處居民以木柴石炭爲業明正德間設

廳一所營房十二間官軍駐防今廢至嘉靖二

十二年都御史富平李宗極建城垣南北兩門

俱題其額曰地限狂瀾一名狂口渡

澠池縣

馬頭山 在縣治東北六十里穀水出於此

鏊山 在縣治北二十里其形如鏊唐潞王禱

雨於此

白鹿山 在縣治東四十里世傳山獲白鹿故

名

抱度山 在縣治東北三十里山勢四圍如抱

故名

鳳凰山 在縣治北二十里形如鳳翼

石門山 在縣治北六十里山勢中斷兩岸對

峙如石門狀故名

熊耳山 在縣治南二十里為陝澠界兩峯相

對狀如熊耳初祖達磨葬於此

箭河嶺 在縣治東北五十里世傳秦王兵過

射嶺

紅戎嶺 在縣治北三十里山高數里昔人避

兵處

白廟嶺 在縣治東南二十里岡阜蜿蜒袤數

十里馬風神廟建於此

馬嶺 在縣治東二十里世傳趙惠王牧於此

澗阪 在縣治西北三十里有南阪北阪即弘

農澗阪

峻陵 在縣治西四十里蹇叔曰峻有二陵焉

其南陵為夏后臯之墓北陵文王之所避風雨

也

坻塢洞 在縣治北二十里其洞產銀今封閉

之

西關洞 在縣治北百里其洞產鉛今封閉之

僊巖 在縣治東二十五里元馬丹陽煉丹處

也

黃河 在縣治西北自南而北東流入新安縣

澗河 在縣治北二十里東流經新安至洛入

河見水經

穀水河 在縣治東六十里漢景帝因峻澗之

地以田即此

溫泉 在縣治東二十五里源出平地冬煖可

浴又謂之暖泉

寶泉 在縣治南二十里昔人謂白石出寶故名

石泉 在縣治東南四十里泉出石穴清澈甘美

平泉 在縣治東南三十里源出平地民借濯漑東南流入洛

金陵澗 在縣治北九十里出桓王山下北流入河

五龍潭 在縣治北四十里鑿山後內有風雨雷三潭雨潭沉碧遇旱禱先以油炭燒石投之其氣上騰甘澍隨注水西流入河

魚池 在縣治西北十里池內多魚

藕池 在縣治南三十里潦水無源汪洋千頃昔人栽蓮於此故名

天池 在縣治東南五十里橫潦無源鴻鴈依焉唐太宗改澗池爲天池故名

大池 在縣治東南四十里四圍岡阜遇水潦

卽注成池大百畝許

嵩縣

七峯山 在縣治南三十里一山連聳七峯高插霄漢鬱鬱青蒼雨霽若元圭秉列雪集則白玉笋生蓋嵩地一奇觀云

僊人山 在縣治東南七十里山頂坦平約數畝四圍壁立萬仞一徑盤曲而上僅容一人崖間有洞幽邃入數步一泓澄深隔絕人跡世傳有仙人曾此藏修故名元參政牛時中於此作

砦駐兵今爲嵩與伊陽之界

白龍山 在縣東南十里山高百丈其頂平坦約數十畝有泉可飲週圍山澗險阻世傳爲元左丞張伯玉立砦屯兵之處城址猶存其下偏西一里許地名左丞衙蓋是其公署云

大礦山 在縣西北一百里高都之水出焉山產金銀錫三品水中亦產黃金今爲嵩與永寧之界

鴉石山 在縣西一百五十里下卽古樓子關

伊水所經今為嵩與盧氏之界

惠明山 在縣東八十里按雷公本草蒼朮出

惠明者佳即此

林鳳山 在縣西一百里上有朝元觀羽士周

志明藏修之所元封為清虛真人

龜山 在縣東北二十里其形似之逆水而上

鶴山 在縣龜山東其形似鶴與九臯山相對

摘星樓山 在縣大相堡山形崒嶺如樓故名

六龍梁山 在縣大和堡山圍十數里高十里

上有池名六龍池故名

蓮花山 在縣大和堡山高峻如蓮花故名

四峰山 在縣西南一山如屏舉起四峰故名

伊水 出盧氏閭頓山西過熊耳入嵩縣境東

南至於三塗又東北過陸渾達於伊闕凡三百

里始會於洛

汝水 出縣伏牛山東北過天恩山凡二百餘

里始入伊陽縣界

黃寨水 賈寨水 俱出縣凌星山東過二寨

至南店合流入於伊

吳村水 出留劍峪北過吳村入於伊

龍駒水 出縣黃松嶺東過橋北入於伊據舊

志會產龍馬每鳴則羣馬皆鳴故名又以名其

堡云

樊水 出縣露寶山東會源頭活水入於伊

順陽水 出宜陽魚兒泉東北過鳴臯入於伊

馬澗水 在縣古城北入伊

馬回水 在縣馬回屯南入伊

蠻峪水 在縣西三十里南折入伊

大章水 在縣西五十里東流入伊

沙溝水 在縣南十里北流入伊

乾澗水 在縣東南十五里北流入伊

南莊水 在縣東南二十里北流入伊

曲里水 在縣東南二十里北流入伊

聖井 在縣聚僊觀中泉水甘冽冬夏不涸據

舊志所述內產金銀二魚今亡

龍池 在縣上雲巖寺後卽牛化爲龍入池之

處萃嶽險絕人跡罕至內有物如蜥蜴之類物
傍有鬚疑即程明道所烹而食之物也山僧誤
呼為龍邑人逢旱禱之亦嘗雨

變泉 在縣竹林寺其中水出石罅中深丈餘
甘冽不汚時或變易顏色黃如煮槐黑如淋墨
居僧相習日汲飲食不以為異

溫泉 在縣城凡二一在湯下堡離縣七十里
一在曲里堡離縣二十里其水俱湧出澗中居
民澡浴四時絡繹不絕但在湯下者為差熱耳

白龍潭 在縣東南十五里駱家溝深不可測
遇旱禱雨輒應

黃龍潭 在縣北八十里東流入伊
黑龍潭 在縣西北八十里黑峪中深不可測
旱禱雨有應

盧氏縣

石城山 在縣城周圍峰巒參差若雉堞因名

號山 在縣東北半里許俗傳號王建都於此
即此山

伏龍山 在縣北二十里

觀音山 在縣西八十里山麓有觀音寺因名

塔子山 在縣東北五十里

抱犢山 在縣東南九十里一名抱犢寨四圍

絕陡而頂平坦約百餘畝頗宜耕藝俗傳耕種

惟犢可抱上候壯而耕故名

元武山 在縣西一百里上有洞穹窿深廣三

隔前塑真武像

小青山 在縣西六十里上產青礫

刑公山 在縣北九十里盛彥師破李密王伯

當之所

箭口山 在縣南二百里

雲霧嶺 在縣西六里嶺脊常有雲霧封鎖故

名

野馬嶺 在縣西三十里俗傳漢蕭王得馬於

此

箭幹嶺 在縣西一百六十里山上產竹可為

箭幹

玉僊巖 在縣南朱陽社

朱砂崖 在縣西二十里其山古出朱砂

茅峪 在縣東十里上有雲溪洞相傳昔盧敖

結茅於此

文峪 在縣東南十里昔孔子窮洛源周流常

燕居於此今有燕居堂峪中有水源出自嶺北

流入於洛

九龍凹 在縣北二里其凹九龍廟

失迷川 在縣西一百三十里昔漢蕭王至此

失路故名

洛河 在縣南二里源出陝西洛南縣東至鞏

縣入於黃河

伊水 在縣東南一百二十里山海經曰熊耳

之山伊水出焉今觀熊耳雖稱有伊源之名而

無流行之跡其實出於閔頓嶺之陽北流過嵩

縣洛陽東至偃師入於洛

大淙潭 在縣東北九十里兩山合圍狀如石

甕周圍五十餘步其深莫測水自山落百尺許

而澎轟之聲聞數里潭東有大淙廟每遇旱禱之輒應

黃花潭 在縣東南一百八十里有潭大半畝許深不可測每遇旱致禱必降甘澍潭前有黃花龍王廟

湯池 在縣南一百里熊耳山之西其水雖隆冬亦熱可以沐浴

馬跑泉 在縣西南十廂社北入於洛俗傳漢蕭王過此乏水所乘馬跑地而泉忽湧出

陝州

羊角山 在州城內西北隅上有披雲亭後爲兵毀今更建三皇廟文昌祠

號山 在州城西二里黃河之濱古以名國見集覽

塔兒山 在州城東南七十里石佛及古塔在上故名

三嘴山 在州治宋李彥僊堅守三嘴山卽此
橐山 在州東九十里橐水出焉

乾山 在州南一百里其勢巍然遇晴明遙見
萬里

馬鞍山 在州東七十里元有異人入山採寶
剖巖石得小金鞍故名

擎雲山 在州東七十里二峯高聳每陰雨則
雲出其上

響瓶山 在州東百里人入山中空谷相應若
響瓶然

明山 在州東南一百里上有石巖陡峻傍有

瀦水名龍潭禱雨輒應

鞍子山 在州東一百里其山兩峰相對形如
馬鞍故名

瑞雲山 在州東一百四十里其色蒼翠如瑞
雲狀

鳳凰山 在州東一百五十里世傳曾有鳳棲
於上

熊耳山 在州東一百五十里其山聳翠形似
熊耳

梨山 在州東四十五里山腰有廟禱雨輒應
殺山 在州東七十里一名欽崙山春秋時晉
敗秦師於殺即此東殺至西殺相去三十里路
極險

柏谷山 在州弘農西水出其下名柏谷水有
亭名柏谷亭今廢見水經

摩雲嶺 在州南八十里其高插空林木蒼翠
每遇陰雨雲霧旋覆

五花嶺 在州東南二十里

分水嶺 在州東六十里山泉流溢分爲兩支
一流至於陝州一流至於沔池

石室巖 在州治即洪崖寺舊址

陝原 在州西南二十五里周召分陝不因其
城乃從原爲界也見玉海

石隰原 在州東四十里有巖石泉流四時不
竭

硤石塢 李嶠移治硤石塢見三省文獻通考

摩巖洞 在州西南雞足山腰即鐵拐李幻化

成道處

故峪溝洞 在州東南趙原社其洞產銀今封閉之

黃河 自潼關流入陝境自西遶北至於砥柱東入沔池界

公主河 在州東北四十里三門山之左唐開

元中鑿河通漕以避三門之險百丈許復入河馬家河 在州東二十里水源自梨山流入於河

過村澗 在州東南五十里

海眼坡 在州東八十里流為壕浴底河冬月

亦熱

御泉 在州東舊硤石地唐明皇巡幸過此飲

之

濛泉 在州西南隅雉堞外其水甘美冬夏不

竭有數泉附之

南泉 在州南門外東西二眼清澈甘美州城

無水居人汲用者冬夏絡繹

蝦蟆泉 在州西門外雉堞下水自石孔流出
內有蝌蚪禱雨輒應唐韓愈有詩今涸
仰天池 在州東朱家原社

溫湯池 在州西南五原社其水四時皆熱舊
傳漢光武及曹操曾浴此

萬錦灘 在州北門外黃河之濱每春花卉開
如錦繡爭輝故名

靈寶縣

女郎山 在縣南五十里上有靈泉禱雨輒應

秦山 在縣南五十里山連關中諸山故名諺
曰秦爲頭虢爲尾

峴山 在縣東南三十五里師古曰峴頭山

夸父山 在縣治山海經云夸父之山北有林

焉名曰桃林廣闊三百師古曰山在今閩鄉縣

東南湖城縣西南去湖城三十五里

枯樅山 在縣治後漢書云赤眉立盆子於鄭

北古今註云在此山下

地肺山 在縣西南一百里一曰肺山

鹿蹄山 在縣號略鎮南

胡山 在縣南十五里

青山山 在縣南八十里

燕子山 在縣東南七十里秋燕多蟄於此故

名谷曰淋林 古曰山亦合閩派

寶珠山 在縣東南三十五里

衡嶺 在縣南十二里文潁曰秦函谷關在弘

農衡嶺

衙嶺 在縣治濁水所出後漢書曰衡山嶺下

函谷濁水出衙疑當為衡

將軍嶺 在縣西南一百二十里上有竇建德

塚故名

蛇頭嶺 在縣南二里許以形得名

龜頭嶺 在縣西南二里以形得名

西原 在縣西南五十里即哥舒翰與安祿山

戰敗績處

老君原 在縣東南三十五里上有老君觀並

塚

官莊原 在縣南十三里

恩養原 在縣南七十里

函谷 在縣南十二里

稠桑河 在縣正西二十里

霸底河 在縣治源出乾山經川口南趙至十

字口北入澗

好陽澗 在縣東十三里源出峴頭山北流入

河

湧泉 在縣西南六十里其味甘甚

石盆泉 在縣女郎山上石盆中冬夏不竭

育賢泉 在縣儒學前正統中教諭陳亮疏鑿

味甘冽甲諸水又名三台井

夾灘 在縣治金天興初靈寶義軍張信侯三

集壯士三百餘於北河夾灘上立水柵以守北

將忽魯罕只乘淺攻之不能克

閩鄉縣

夸父山 按省志在縣東南境山有桃林周武

王牧牛之野中多野馬造父得驊騮馱以獻

周穆王夸父善走常追日卒於此遂名其山

喊山 在縣西南三十里

歎游山 在縣南三十五里世傳黃帝嘗遊於

此

秦山 在縣南三十里樵採資焉

石姥山 在縣西南四十里八峪三里有飛泉

牧牛山 在縣南五十里山有桃林周武王牧

牛之野

休與山 博物志云丘與桃林在湖縣休與之

山

玉山 在縣西南

太湖峪 小湖峪 俱在縣南二十里湖水出

焉

石姥峪 在縣西南四十里斷崖絕壁上下惟

石懸流濺沫冰雪怒鬪見韓文

黃花峪 內四十里有千佛洞係一石雕刻

棗鄉峪 在縣西南六十里

元風洞 按地理志在縣西南二十五里山有

洞風自洞出此日必雨

雲華洞 在縣石臼寺

文峪洞 在縣西南六十里

七真洞 在縣西南四十五里皇天原上唐王

顏追七仙葬此故名

董社原 按通鑑在縣西南四十五里隋楊元

感起兵與宇文述嘗戰於此世傳唐元宗時有

白髮黃冠過此謂鄔元崇曰我是太上老君汝

帝元祖也因更名皇天原

鑄鼎原 按通鑑在縣東南十里黃帝採首山

之銅鑄鼎於此鼎成騎龍升天人抱遺弓而號

漢武帝建宮唐刺史王顏爲賦縣令王億立碑

無何傾圮碑記荒沒縣令黃方建黃帝廟又建

奎樓於後并自爲記崇禎十六年俱被流寇破

城燒燬

影堂坡 在縣西五十里楊震堂前飛坡以影

其堂

黃卷坡 在縣影堂側取校書意魏武征韓遂

馬超屯此

黃河 在縣城北數武

彌丘坡 在縣治

雉飼坡 在湖城縣出拓跋氏書

渙池 在縣南三十里有龍堂

玉溪澗 在縣西南五十里源出秦山其色清

冷如玉經文底鎮北入於河

泉鳩水 在縣西南三十五里戾太子塚側

文峪水 在縣西南五十里會玉溪澗北入於

河

金沙澗 在縣西南三十里

阿對泉 在縣西五十里皇天原麓二泉相對

楊震家僮阿對引灌於校書堂前故原上居民

皆下汲之以供炊至今倚以為利

九龍泉 在縣南十里許有泉九淵淵不竭歲

旱禱雨輒應唐開元間勅封躍泉侯廟在泉側

萬迴井 在縣治唐景龍間僧萬迴臨終遣求

本鄉河水弟子難之萬迴曰堂前隨掘河水出

飲竟而終其水至今甘美

故縣泉 在縣西南二十里離村數武平地湧

出味甚甘美他泉多不及焉

水利附

洛陽縣

漢陽渠 卽周陽渠至漢名漢陽渠西征記曰

城之西南有陽渠周公之所制也建武二十三

年張純爲大司空明年上言穿陽渠堰洛水爲

漕公私獲贍是渠今引穀水蓋純之制也亦謂

之九曲瀆水經注漢何敞章帝朝爲何南守修

理洛陽四渠墾增三萬餘頃

魏五龍渠 河南十二里境簿曰河南縣城東

十五里有千金塌洛陽記曰千金塌舊堰穀水

魏時更修此堰積石爲塌而開溝渠五所謂之

五龍渠時太和五年二月八日庚戌蓋魏文帝

修王張故跡也水經注曰塌是都水使者陳協

所造也語林曰晉文王欲修九龍渠阮步兵舉

協掘地得古承水銅龍六枚堰遂成水歷塌東

注謂之千金渠逮至大水暴溢溝瀆泄壞晉世又廣功焉石人東脅下文云太始七年六月二十三日大水蕩壞二塌故為今塌更於西開泄名曰代龍渠即九龍渠也

千金塌 晉邵續傳晉末嘉初使汝南太守袁孚率眾修千金塌以利漕運後張方入洛破千金塌石砌殆盡見水經注元魏時太和中仍修復故塌

隋通津渠 在河南縣南二里隋大業元年分

洛水西北名千金磧渠東北流入洛通濟渠自洛西苑引達於此

月陂 唐開元二十四年李適之徙河南尹政不苛細為下所便元宗患穀洛歲暴溢耗徭力詔適之以禁錢作三大防曰上陽積翠月陂自是水不能為患刻石著功詔末王璘書皇太子瑛書額武德八年九域志日月陂形如偃月其三陂在積善坊玉海李適之傳

宋石渠 在府城舊銅駝坊西入宋潞公文彥

古今圖書集成
考下之三十一
博宅

明洛渠 在城西二十五里引洛水入渠灌田
因名渠曰洛洛渠起東侯保分洛水而東曰莽
渠莽渠之北又分三支曰清渠曰單渠曰太陽
渠東流仍入洛及伊凡四渠

伊渠 在城南二十五里引伊水入渠灌田因
名渠曰伊伊渠起城南伊闕口之北分伊水北
行至午橋莊與洛渠交而出其上並三支亦名
莽渠清渠單渠但以東別之凡三渠俱入洛二

水之大可勝舟冬夏不涸故渠道行近水之田
將百里皆仰灌焉宣德初湮塞不行凡七十餘
年弘治癸丑巡撫徐恪以民屢困於旱建議疏
濬參政宋瑄總其事知府劉瓛同知董琇知縣
楊滋督工并力用夫二千七百有奇踰年而渠
成但閘壩之制分灌之法未備丙辰歲憲副張
鼎以治河有績兼領其事仍委董琇等督夫匠
如前濬之而新任知府陳宣繼至乃相與協謀
卽事於是渠水復通憲副張心切爲民又雅知

水事仍斟酌古法使可經久每渠障水之入各有壩防水之暴各有閘閘內之兩旁各有子堰子堰之中各有遊渠以均水利於遠近又於洛渠之南大明寺後創鑿一渠東行出午橋之上洛渠蓋併前爲五矣是役也雖倡始於都憲徐恪繼成於憲副張鼎經營於郡守劉璣陳宣其實惓惓建議劉太師爲梓里規利便之盛心不可泯也劉健有水利重濬記

大明渠 在城西南二十里東侯堡青陽屯大

明寺西分洛渠水以灌田弘治十一年河南按察司副使張鼎創建

新興渠 在城西南四十里西侯保李王屯築石壩繼甘水河引以灌田弘治間按察司副使張鼎再建

宜陽縣

宣德渠 在縣西六十里里人引流水以灌田
宣利渠 二處一在縣西五十里一在縣東十里

黃澗口渠

魚兒泉渠

韓城渠

水兌渠

神後渠

皇清康熙三十年知縣申明倫新開四渠

官莊渠

考老灣渠

安業渠

鎖家營渠

未寧縣

宣利渠

新興渠

萬相渠

龍頭福興等渠

皆上分洛水以灌田者莫詳其始洪武六年主簿丁讓復修未樂間知縣郝敬縣丞于淵俱復

修宣利渠後堙萬曆年間知縣賈宗悌重開然

改革之後萬廂等渠皆淤塞不治我

皇清自順治九年壬辰知縣程萬善督衆重濬永民

賴之至康熙二十八年知縣佟賦偉重開舊渠

五道

宣利渠

永昌渠

復興渠

安業渠

民樂渠

又修新渠五道

味勤渠

萬廂渠

小石渠

雲雷渠

盡力渠

嵩縣

伊水 邑止伊水一派他皆谿澗支流前人疏之以成渠而水利興焉昔渠十四道今增五道共十九道

末豐渠

末濟渠

末定渠

下扒渠

伊陽古渠

順陽岔渠

夾正渠

末昌渠

濟民渠

末安渠

田湖渠

鳴臯渠

新正渠

末義渠

末泉渠

仁義渠

公順渠

末清渠

中安渠

盧氏縣

澗渠 引沙河水由東門外環城而南民資澆

灌

文峪渠 在縣東南十里引文峪水灌溉民田

靈寶縣

德盛渠 在孟村

清猶渠 在玉塚底

末清渠 在店頭村

康民渠 在東西流

大清渠 在牆底村

小清渠 在牛莊村

福民渠 在兼溝

鴻溝渠 在五里頭

子母渠 在號州

清龍渠 在營田溝

未盛渠 在萬宿底

樂民渠 在莊裏

大和渠 在南村

通和渠 在馬拳頭

黃清渠 在梁村

永流渠 在布莊村

和順渠 在川口

通道渠 在巖山

上水渠 在車村

富民渠 在大中原

得成渠 在號州西

中水渠 在磨頭

順水渠 在小中原

水利渠 在尹莊

上河渠 在秋梓底

古道渠 在婁下

長清渠 在磕底

順通渠 在佛窰灣

問和渠 在三聖底

龍灣渠 在梨園莊

和順渠 在田真

民望渠 在城堙村

澤民渠 在坡頭村

水泉渠 在水泉頭

紅陽渠 在開口方

樂盛渠 在十字口

函谷渠 在西關遞運所

豐盛渠 在縣南關

益民渠 在李曲

足民渠 在延李村

得勝渠 在淪度村

裕民渠 在宋莊里

厚民渠 在神窩村

滋民渠 在澗口道下等

柳谿渠 由項城號東澗口至婁下溉田太守

許柳谿倡之也人德之因名

橫渠 在橫渠村

程公渠 永樂間主簿程式開因名

祐民渠 在南趙村

聖灣渠 在三聖南東灣

閩鄉縣

方庠渠 在縣西四十五里按關西楊氏族譜

方向也庠學也取向學之義楊震校書於原之

北麓自原之陽鑿池引玉溪之水附原而東北

折復西迤邐幾二十里以注於校書堂前為池

畜魚植花俗呼楊夫子硯水池鶴銜三鱸是也

坊廓渠 弘治間知縣楊周開剏自縣東南二

里引而西流繞城西而北折灌田數頃今利之
西董渠 在縣西五十里高原不可井有泉出
禁峪西董民賴之

陽平渠 弘治間知縣孟周鑿山架水凡十里
陽平等民便之

趙村渠 在縣西南二十里

吳村渠 在縣西南五十里

保裏渠 源從甘澗峪車回頭起引迤本村北
佛殿止居民賴之

欽定古今圖書集成方輿彙編職方典

第四百三十卷目錄

河南府部彙考四

河南府城池考

河南府關梁考

河南府封建考

河南府公署考

Blank page with vertical lines for text columns.

職方典第四百三十卷

河南府部彙考四

河南府城池考

府志

本府 洛陽縣附郭

本府城池 府舊城始築於周公營洛卜澗水

東澶水西所謂王城也秦置郡縣縣治則在成

周所謂故洛陽城也即金墉故城東漢魏西晉

元魏皆城於此隋煬帝大業元年大營東京名

曰新都乃移縣治於光通坊隋以後洛陽縣治

古今圖書集成
之一
方在王城卽今城中也唐穆宗長慶二年增築
之建以十門東曰建春東通上東西曰麗景宣
耀南曰定鼎長夏厚載北曰安喜徽安唐末摧
圯殆盡五代周世宗顯德元年命畱守武行德
葺之宋景祐元年以王曾判府復加修築背卽
面洛左瀍右澗卽今之城池也金元皆仍其舊
方之周都縮五之四擬之隋唐東南一隅耳歷
代俱土垣明洪武元年始置河南衛守之六年
明威將軍陸齡砌以磚石濬以壕塹四圍八里

三百四十五步高四丈基廣如之壕深五丈闊
三丈復減門爲四東曰建春西曰麗景南曰長
夏北曰安喜城之四門上覆重樓外築月城又
構角樓四座敵臺三十九座固守之略於是始
嚴成化弘治間指揮張傑王臣相繼葺治壕爲
濼水淤塞正德辛未中原盜熾郡伯劉獻督役
疏導深復固闊倍於昔又引瀍澗二水灌壕築
堰以資防禦壬申三月寇果奄至環攻三日不
得渡城保無虞繼之修濬者不能詳考萬曆初

年蒲坂楊俊民來分守督縣衛修輯一新改四城樓扁東曰長春南曰薰風西曰瑞光北曰拱辰相沿日久傾圯至甚崇禎四年壺關楊四重尹洛謀於鄉紳士庶共輸銀三千餘兩委庠生張秉厚董其役歷二年餘而功竣適值流寇渡河窺城者四次衆得恃以無恐未幾楊尹以行取去繼任者滕縣劉弘緒復於壕邊環以欄馬牆一匝高一丈長一千五百六十八丈五尺又濬開口引灑水入壕幾復正德辛未之舊郡守

皇朝吳橋王印長爲寇曾薄城關廂之民可念於是與劉議環關築土城一道二十三里高一丈三尺闊一丈明末俱行平毀至

皇清順治六年知府金本重用明福藩棄磚甃砌丈餘稍資捍衛

外州縣

偃師縣城池 築土爲城周圍六里八十四步高一丈五尺厚丈餘按城卽武王所築息兵之城歷代廢置不常明正德六年流賊寇河南知

縣朱璟重修高厚俱增於舊民賴以安嘉靖三十三年大水淹沒幾半知縣王表重修知縣林萬里繼修崇禎年流賊猖獗知縣夏士譽以土城脆薄乃代石爲基易之以磚城始堅固十五年十月二十九日流賊數千薄城知縣徐日泰率士民武同芳等戮力捍禦因郡城先陷援絕勢孤賊衆從南門攻擊甚急力竭城破賊恨偃官民不降遂屠其城

皇清順治九年知縣魏惟紫重修

鞏縣城池 城周圍七里四十八丈濠塹深八

尺明成化十一年知縣柯忠修萬曆十三年丁

分巡檄加磚石甃砌周圍門五座曰玉川曰望

嵩其一小東門蓋舊城東門卑下一遇黃河漲

浸入城居民不免沉竈產蛙萬曆四十年內知

縣程宇鹿擇城垣高處另開一門使門高水低

不得漲入又築土堤五百丈以衛城脚城上建

磚石高樓值流土交亂知縣宋文瑞復增高五

尺卒以屈敵越癸未寇益肆而鞏以孤城抗賊

古今圖書集成
之四
爲賊攻陷傾圮者數處至

皇清順治六年大同鎮將兵起兩河震動知縣徐樑
周圍修補完固無缺今賴之

孟津縣城池 城周圍四里高二丈五尺廣一
丈五尺池深一丈廣倍之門四曰東暉曰南薰
曰西成曰北拱雨久傾圮明崇禎間山陰張爾
葆始砌以磚壬午寇陷城垣損壞大半

皇清知縣宋弘道率衆捐資修補建四門城樓復成
偉觀時經淫雨城垣間傾灤州孟常裕多方增

葺屹然金湯

宜陽縣城池

城周圍四里許東西較長而南

北頗削其形似船故名船城舊土城明正德年
間知縣司崧始築修磚城高二丈二尺有奇池
一丈五尺崇禎六年秋月淫雨城頽數十處知
縣史洪謨督工修補嗣後十一月二十六日流
寇渡河混十萬等數十營往來攻圍而城不陷
者史令之功也迨十三年闖賊首克宜陽墮其
城次年主簿陳五德補修

皇清定鼎知縣羅爾因重修順治十六年夏六月霖雨墮數處知縣王鼎印修輯

登封縣城池 城未滿三里明景泰中布政使豐慶以南城逼於學宮拓而大之凡百餘步正德間知縣李居仁重修萬曆三十九年知縣傅梅重修易故堞一千有二悉易堅甃計六百四十九丈闢舊門而高之北樓毀於逆闖知縣劉禎重建崇禎癸未復燬於土寇知縣高岫張朝瑞相繼重修

永寧縣城池 其城周圍四里一百七十步高二丈五尺堞牆七尺門有三隋置縣時築嗣後隨時修葺正統十年縣丞于淵重修門上各豎以樓隆慶五年知縣高一登重修雉堞甃以甃崇禎庚辰流寇陷城平其雉堞墮城門

皇清壬辰縣令程萬善重修漸復其舊

論合十五間

新安縣城池 土城漢高帝元年築明洪武初重修東文峰南澗水西泥河北慕容山皆迫邇城外城門東曰瞻洛西曰通陝嘉靖四十四年

知縣王訓重修南曰浴澗又曰聚魁嘉靖三十三年知縣劉登創建北曰風懷東西兩門俱有月城嘉靖三十七年知縣盧大經創建四十四年知縣王訓添修周圍設墩臺立鋪舍十二間又創建廣壕凡四里東西四百九十步南北一百九十一步高一丈五尺西門外爲通澗橋池深七尺許東北負山南面臨水俱無池東西俱有關廂其創修磚城始於知縣王鉉自寺巷北門至東北門其磚石工價皆自辦毫不累民工

未竣報陞繼修則知縣劉懋崇禎九年知縣傅明遠同邑尚書呂維祺移北城跨慕容山東原四百九十步今加八十五步南北原一百九十一步今加一百一十步周圍皆磚砌高二丈五尺北城臨山俯瞰城內甚悉流寇內訌呂忠節公憂之同邑紳士謀於傅令議築城於山巔以防賊之窺探忠節公獨築北城之半義士陳明英張文明韓復本協修數十丈踰月功竣十三年流寇破城十四年流寇復至平其城磚基僅

存其半又嵩縣土寇于大中復破之十月又平其城至

皇清順治十三年知縣俞遜先修東月城重整關鍵方得啓閉康熙六年知縣范諶仍去北山城僅重修舊城

澠池縣城池 城舊周圍八里許西漢置縣始築歷代廢置不一明崇禎十年流寇二陷澠城焚燬殺掠慘不可言署縣事靈寶訓導袁登甲據生員呈以澠城南潁澗河一遇泛漲卽爲衝

損久無完堵兼之城闕人寡創守維艱申文裁去西城一半僅存三分之一崇禎十二年知縣牛藩完城浚壕磚包北面闢爲東西二門各有樓

皇清知縣孟國英增修角樓補修傾圮遂成偉績順治十一年霪雨傾倒城垣三面共四十三丈五尺知縣張燦率衆捐資共圖修葺期月告成

嵩縣城池 城周圍五里十三步高二丈壕塹深丈餘崇禎間流土交訐知縣何復修葺完固

明末土賊折毀殆盡

皇清知縣劉興漢因草昧初闢僅葺城垣尚無堞口
十一年知縣趙景融增修女牆十七年知縣楊
厥美增修四門門樓各三間東曰來鶴南曰解
阜西曰寶成北曰捧詔殘邑始有保障焉

盧氏縣城池

城漢時始築歷代修濬未詳明

洪武元年知縣李可民重修城高一丈五尺周
圍四里一百八十步壕深一丈廣二尺四門上
各建樓下各有懸橋旣而傾圮

皇清順治十三年知縣鄒印光修築完備

陝州城池

城十三里一百二十步東南有壕

深五丈西北近河高十餘丈西漢所築歷代修
濬不一明洪武初千戶劉全截去東城三分之
一完城後壕增以月城闢爲四門門各有樓崇
禎八年寇毀城圍九里一百三十步弘治時知
州汪濬重修南北西三面遂以屬州東一面則
指揮呂璽重修遂屬衛今因之

靈寶縣城池

城高二丈五尺厚一丈七尺周

三里六十步堦口一千明縣令谷萬方並為五百池深闊一丈有半順治十三年縣令梁儒重濬明崇禎年間縣令谷萬方用磚修西城一面工完東城磚修十之七南城磚修五十丈北城修二十丈工未畢遭寇掘毀寇退後官因缺補葺迄今工未告成康熙二十三年邑令江繁重修復沿壕植楊柳數百株陰森可愛

閩鄉縣城池 土城高一丈九尺池深一丈闊倍之周圍四里東西南三門門上重樓東曰瞻

洛南曰來薰西曰仰華按城創築無考明洪武初增修者縣丞王珪也緣逼近湖水屢被衝崩當事者皆屢行修補至萬曆十八年大水復衝西南隅知縣鄭民悅創築石堤建禹王廟百姓豎石曰鄭公堤二十九年湖水橫漲廟堤復壞知縣黃方修之崇禎己亥知縣王鉉因流寇出沒通修新舊城以為防禦

皇清順治七年西北隅為水衝崩知縣金鎮重修築堤護之十一年大雨黃河水溢城崩知縣張三

其為空太密不能當潦水之怒曾未踰年而復壞則其費不貲矣令新昌何鑑繼之乃會僚佐與謀曰橋成而易壞第作之者未得其道耳其試以某意作之遂令匠氏石其兩岸及底於其中以木大作一空屬之以鐵鱗比若完木然廣視其溝而深過之其上錮磚三重然後平之以土石自成化乙巳冬至明年夏僅三時而成視前費不及什之一而深廣堅朴足垂永久民始疑其疎而終服其巧無不頌其便焉

仁惠橋 在府城南門外

伊橋 在府城東南伊河上

上浮橋 在府城西南

中浮橋 在府城南三里

下浮橋 在府城東南

臯門橋 在府城西晉惠帝建潘岳西征賦駐

馬臯門即此

天津橋 跨洛水上隋煬帝建用大船連以鐵鎖長一百三十步南北夾起重樓四所各高百

餘丈貞觀中甃石為岸即宋邵康節先生聞杜
宇聲處

澗河橋 在府城西十里

金橋 在府城外

午橋 在裴晉公莊

利涉橋 在府城天津橋西唐咸亨三年建

七里橋 在洛陽七里澗上實晉之旅人橋也

創建無可考

皇清康熙三十三年河南府知府孫居湜捐俸重修

偃師縣

奉先橋 在縣治舊有未安陵為奉陵寢而設

因以名橋

鞏縣

大栗關 在縣治東南

柳橋 在縣治東

孟津縣

孟津關 在縣東北黃河南岸

河橋 在縣治東北晉杜預請建橋於富平津

即此今廢唐柳中庸詩黃河流處有浮橋晉國
歸人此路遙若傍闌干千里望北風驅馬雨瀟
瀟

宜陽縣 在縣治東

趙保鎮關 在縣治東南

穆用鎮關 俱在縣治西南

永濟橋 在縣治東北跨洛水宋邵雍詩山背

錦屏開河臨未濟迴土田平似掌桑柘大如槐

斜日射虹去低雲將雨來無涯負清景長是愧

非才 又一水一溪門溪門雲復屯珍禽囀喬木

幽鹿走荒榛雨脚拖平地稻蛙扶遠村高城半

頽缺興廢事休論

畫橋 在縣治西

洛橋 在縣治北唐李益詩金谷園中柳春來

似舞腰何堪好風景獨上洛陽橋

登封縣

轅轅關 在縣治西北轅轅山

石羊關 在縣治東南

永寧縣

崇陽關 高門關 俱在縣治西

鵝鷺關 在縣治鵝鷺山谷

河底關 在縣治東北

金門橋 在縣治南

長淵橋 在縣治西

新安縣

函谷新關 在縣治東二里項羽坑秦降卒處

漢樓船將軍楊僕有大功恥為關外人上書乞

移關內以家財輸於官武帝為徙於此

東澗橋 在縣治東

西澗橋

鐵門橋 俱在縣治西

澠池縣

南村關 在縣治北九十里

雙津橋 在縣治西一里

嵩縣

白楊關 在縣治西

舊縣鎮關 在縣治西七十里

沒大嶺關 在縣治南一百里

順陽橋 在縣治東門外

錦陵橋 在縣治北

盧氏縣

欒川鎮關 在縣治東四十五里

朱陽關 在縣治西南

杜館鎮關 在縣北六十里

青石關 在縣治西沙窩社路通陝西

白華關 在縣治西勢甚險阻通陝西

文華關 在縣治東門外

阜安橋 在縣治西門外

迎恩橋 在縣治北門外

通津橋 在縣治南洛河

高橋 在縣治西雲霧嶺下

陝州

硤石關 在州治東七十里

鴈翎關 在州城東南

硤石橋 在州治七十里

橐水橋 譙水橋 俱在州治南

靈寶縣

火燒關 在縣治南一百里

虢略關 在縣治南

函谷舊關 在縣一十里老聃西度田文東出

皆此關也左右有望氣鷄鳴二臺遺址

轆轤關 在縣治西南其地高連星宿谷北接

金盆道乃戰國疆界也

鴻蘆橋 在縣治西

閩鄉縣

大谷關 在縣治西南

潼關 在縣治西六十里

湖陽橋 在縣治西

盤豆橋 在縣治西

玉溪橋 在縣治西

津渡附

平津 周武王師渡孟津即此唐姚合詩間立

津橋上寒光動遠林
皇宮對嵩頂清洛貫城心
雪路初晴出人家
向晚深自從王在鎬天寶至
如今雍陶詩津頭春水浸紅霞
煙柳風絲拂岸斜
翠輦不來金殿閉
宮鶯銜出上陽花

楊村渡 在偃師縣南即伊洛會流之處

白坡渡 在孟津縣西

匡口渡 在新安縣東北

洛河渡 在宜陽縣北

黑石渡 在鞏縣西南

裴家峪渡 在鞏縣西

駝峪渡 在鞏縣西北

神堤渡 在鞏縣東北

洛口渡 在鞏縣東

濟民渡 在澠池縣北

通津渡 在盧氏縣南

茅津渡 在陝州城北四里一名陝津春秋秦

伯伐晉自茅津濟封嶠尸而還即此

三門集津 在陝州東

大陽渡 在陝州城西漢獻帝北渡大陽津卽此宋魏野詩數點歸鴉投遠樹人行欲盡夕陽路春靄還生竹塢村西風乍起茅津渡顛顛三兩待船人立蹇扶筇望水濱忽見爐中烟一縷祇應炊稻烹霜鱗

涇津渡 在靈寶縣西北三里

盤豆渡 在閩鄉縣西

河南府封建考

府志

周

虢 姬姓公爵出自王季子虢仲文王弟也仲與虢叔爲王卿士勳在王室文王友愛二弟謂之二虢武王克商封仲於弘農陝縣東南之虢城今陝州靈寶縣有虢州城周室東遷虢公忌父虢公林父猶爲天子相謂之西虢後爲晉所滅

魏 姬姓侯爵文王子畢公高之後也武王克

商封高於畢遂為畢姓其後絕封有畢萬者事
晉獻公帥師伐魏滅之獻公遂以魏封畢公為
大夫世秉晉政傳至斯分晉地受命為列侯是
為文侯凡九傳為秦所滅 按魏今在陝州北
芮城

滑 姬姓伯爵始封未詳僖公二十二年秦孟
明帥師襲鄭及滑商人弦高假鄭命而犒其師
孟明謂鄭之有備不可克遂滅滑而還今偃師
縣南二十里有緱氏廢縣即其地也

焦 姬姓周武王封神農後遷於焦後為晉所
滅今陝州南十五里有焦園村即古焦國地也
劉 姬姓子爵王季之子食采於劉是為康公
其後子孫因以為姓世為周之卿士哀公三年
趙鞅伐周殺萇弘以逼劉而劉氏遂亡今偃師
縣南緱氏西有劉亭即其處也

周桓公 姬姓名揭孝王弟孝王封之於王城
以續周公之官職是為桓公桓公生威公威公
生惠公惠公之少子班又別封於鞏以奉王是

為東周惠公故班之兄則仍襲父爵居於王城
是為西周武公

秦呂不韋陽翟人相秦封文信侯後又封以洛

陽十萬戶因增廣洛陽舊城以居之

楚申陽瑕丘人先下河南郡迎楚河上項羽分
韓地立申陽為河南王都洛陽後降漢以上俱

實封

西漢

陽城侯劉用 項王子宣帝時封傳至報

平悼侯工師喜 以舍人從擊秦入漢定諸侯

守洛陽有功封邑一千三百戶傳至執坐罪免

南北朝

宜陽侯檀韶 以討桓鉉功封

宜陽侯王國珍 梁武帝時以佐命功封子僧

度嗣

河南王曜 道武子天興時封傳至顯

高孝瑜 文襄帝長子齊初封河南王

河南公伊馥 代人太武時以戰功封

荀頽 代人太武時進爵至河南王

陸真 代人太武時以戰功積封至河南公

寇讚 上谷人世事苻秦以歸化功進爵河南

公 魏太武時以舊勳封于道無嗣

永寧侯酈範 魏太武時以舊勳封于道無嗣

明 魏太武時以舊勳封于道無嗣

伊厲王 太祖第二十四子始封諡曰厲

伊簡王 厲王第一子襲封諡曰簡

伊安王 簡王第一子初封洛陽王後進封諡

曰安 簡王第一子初封洛陽王後進封諡

伊定王 安王第四子初封邾城王後進封諡

曰定 安王第四子初封邾城王後進封諡

伊莊王 定王第一子襲封諡曰莊無嗣

伊敬王 定王第二子襲封諡曰敬其第一子

典瑛襲封後遷至鳳陽國除

新安有煝王 定王子分封

永寧靖僖王 定王子分封諡曰靖僖

宜陽康懿王 定王子分封諡曰康懿

光陽榮靖王 簡王第二子分封諡曰榮靖

嗣國除

方城懷僖王 安王第二子分封諡曰懷僖

世愍和王襲三世懷順王襲四世溫僖王襲五

世恭惠王襲六世莊裕王襲因福王就國遷汝

州

西鄂安僖王 安王第三子分封諡曰安僖

世恭靖王襲乏嗣其所遺五代孫輔國中尉采

錨勤學樂善循循雅飭過於儒生

濟源王 定王第二子分封乏嗣國除

萬安康懿王 敬王第二子分封諡曰康懿

世昭和王襲三世恭宣王襲因福王就國遷永

寧

安樂王 伊王庶長子初封王後伊王廢為庶

人發鳳陽置安樂王於汴城閑宅終未嗣爵

福王 神宗第二子萬曆四十一年就國崇禎

辛巳寇陷洛陽被執不屈罵賊而死後追封福忠王

德昌王 福王第一子初封德昌王崇禎十一年冊封為王世子

河南府公署考

府縣志合載

本府

洛陽縣附郭

府治 舊在城內大街居中大門啓建高臺三丈許上有中州勝概樓三楹砌以磚石巍峨聳觀門內樹戒石碑正中太守公廨四廳正宅後樹梅花六株名梅花堂寇殘後俱廢今移東北隅提督府衙門內

洛陽縣治

舊在成周自秦歷漢晉悉因之隋

大業二年始徙瀍水西道光坊唐治河南縣尋

改洛陽金元皆仍其舊萬曆年間修建福府後面拓及之乃東移於迎恩巷之北縣治正堂五間扁曰泰徵堂堂下左吏戶禮右兵刑工諸房各九間二門正三間東西角門各一間左右糧房一十二間大門上有重樓左申明亭右旌善亭後為知縣內署堂迤東為幕廳縣丞廨在東主簿廨在西典史廨在六房後大門以東為寅賓館又東為土地祠明末焚毀無遺
皇清順治庚寅歲知縣武攀龍就舊址內創建官署

察院 在縣治西南王府街

後察院 在三皇廟街今廢

中察院 在福廢府門西新設

東察院 在東關今廢

分守道 在西門裏因寇變毀廢今改置安國

寺街

鐘鼓樓 在東門裏福廢府門東僉事葉創建

經亂拆毀知府甯之鳳重建

南薰館 在南門外鐵鍋巷中以待過客

外州縣

偃師縣治 在城西北敦化坊漢時始建隋唐
宋元明皆仍其舊後燬於兵燹

皇清順治三年知縣王埏重修懷德堂三間大門上
有重簷更漏在內儀門明知縣王表修幕廳在
堂內司房左右各七間知縣魏惟紫修庫樓在
堂東知縣王埏重修架閣庫今廢承發司在堂
西後廳在堂北今俱廢知縣宅縣令宋中鴻修
魏惟紫增修戒石亭在儀門內土地祠在儀門

外獄禁在儀門內西吏舍今廢馬廠知縣王埏
修申明亭旌善亭俱知縣艾元復建

縣丞宅 在堂東北

主簿宅 今裁宅廢

陰陽學 在縣治西南

醫學 在縣治東南

僧會司 在縣治南壽聖寺

道會司

惠民藥局 在縣治西今俱廢

行署察院 在儒學東今存三間

布政分司 在縣治東知縣魏惟紫重修

按察分司 在縣治西今廢

府廳 在縣治西今廢

養濟院 在縣治北

鞏縣治 舊治被寇焚燬

皇清順治癸巳知縣陳朱垣重建大堂三間後堂三
間東西六房十間縣廨一所三層高樓五間譙
樓儀門架閣庫

縣丞宅 主簿宅 典史宅 俱未載

陰陽學 醫學

僧會司 道會司

察院 舊址焚燬無存順治三年知縣郭永建

大門三間耳房六間後樓一座過庭三間臥房

四間順治癸巳知縣陳朱垣復增後臥房五間

布政司 在東街路北今廢

按察司 在東街路北今廢

巡檢司 在黑石渡

養濟院 在縣東南隅

矜不成人院 今併養濟院

漏澤園 在縣南五里堡

孟津縣治 舊在縣城北街迤東明末遭寇焚

蕩爲丘墟

皇清順治三年知縣陳瑚因舊布政司廢基而緝繕
之大堂三楹二堂五楹大門三楹儀門一楹後
又經知縣宋弘道卞世珍增修公廨三楹東西
兩廈堂左建庫房吏戶禮房架閣庫右建兵刑

工房承發司各五楹儀門左建土地祠馬神廟
并馬房三楹寅賓館典史衙俱未建獄在舊縣
治右

陰陽學 在新察院西今廢

醫學 在舊察院西今廢

僧會司 在敬愛寺

道會司 在城隍廟

舊察院 在前街東偏今廢

新察院 在縣治西

養濟院 在後街今廢

演武亭 在南門外

宜陽縣治 在縣挹秀門內直接屏山第一峯
明末燬於兵

皇清順治十年知縣金繼望重修於故址建保赤堂
五間東為庫房一間左右為六房各三間堂右
贊政三間儀門三間門內右鄧侯祠門外左土
地祠祠東寅賓館南常平倉而監獄亦附其旁
大門上譙樓正堂後問夜堂迤北知縣宅極北

退思樓康熙二十五年知縣韓庚寅重修

典史宅 在儀門東

陰陽學 醫學 俱久廢

僧會司 在勝因寺

道會司 在太清觀

察院 在縣治東

按察司 在中街

府廳 二俱在縣治東今廢改為神廟

養濟院 在西關外

廣濟院 在養濟院東今廢

登封縣治 舊治焚燬

皇清順治八年知縣張朝瑞捐歷年俸薪次第重修居敬堂三間捲棚三間儀門三間堂前分列六房後堂庫藏三楹折東而西為宅門內三堂便署凡四十餘間大門在譙樓下康熙三十三年知縣張聖誥重修規制煥然一新
典史宅 在縣治內康熙三十三年知縣張聖誥移建主簿宅舊基

陰陽學 醫學 俱在縣治西知縣張朝瑞建

僧會司 在峻極寺今廢

道會司 在崇慶觀今廢

察院 在縣治東

布按二司 在縣治西趙興建今廢

養濟院 在東關

演武場 在西關

永寧縣治 在東西門通衢之中央舊基中為

忠愛堂左贊政廳右庫藏東西廡為六房前為

儀門門外左為土地祠祠之東為紫雲軒蓋寅賓館也右為獄前為譙樓忠愛堂後為慎思堂後為知縣宅

皇清康熙八年知縣李伸重修

典史宅 在知縣宅東南典史今廢

陰陽學 在西門內

醫學 在縣治西醫學今廢

僧會司 在福昌寺僧會司今廢

道會司 在西關道會司今廢

崇陽關巡檢司 在縣西八十里崇陽關今燬

高門關巡檢司 在縣西一百二十里高門關今燬

演武場 在東關外

察院行署 在縣治東察院今廢

布政使行署 在察院布政使行署今廢

府館 在東門內府館今燬

守備廳 在察院西守備廳今燬

養濟院 在縣治西南隅

漏澤園 在三郭外

新安縣治 中為縣堂元至大四年創建明洪武三年知縣丁廷舉嘉靖四年知縣王訓

皇清順治辛丑知縣佟希聖俱重修左楹為官庫右楹為儀仗庫堂後為知縣宅東為幕廳廳南為吏戶禮三房又南為觀澗樓又南為預備倉西為承發司南為架閣庫又南為兵刑工三房又南為官庫甬中為戒石亭前為儀門門東為土地祠祠南為申明亭西為獄牆牆內為旌善亭前為譙樓樓下即為大門

典史宅 在縣治幕廳東
陰陽學 醫學 今俱廢

府館 二一在縣治東一在縣西門外

布按分司 在縣治東

察院行臺 在布按分司東

僧會司 即寶雲寺

道會司 在縣西南三十五里爛柯山下即洞

真觀

演武亭 在縣西門外

迎候亭 在縣東門內

官馬廠 在縣治西南城內宜陽縣協濟養馬

處周圍數畝縣內有協濟碑

惠民藥局 明洪武十七年建永樂二年知縣

張敏重修今廢

養濟院 在城西關路北今廢

澠池縣治 舊建邑中寇燬遺址築為西城明

崇禎十一年知縣牛範以東布政司行臺改為

縣治正廳五楹東西二楹為庫後廳東西房科

儀門戒石坊東西角門寅賓館土地祠獄舍譙

樓俱備崇禎十五年流寇焚燬

皇清順治五年知縣潘汝悠七年知縣孟國英相繼

增正堂及宅舍等俱備康熙二十五年知縣劉

孚嘉又捐俸蓋六房二十七年二堂傾圮又捐

資重修堂左又建客廳三楹堂後又建正房三

間後樓一座並其大小房不等

典史宅 在縣治內

陰陽學 醫學 俱寇燬未建

僧會司 道會司 俱寇燬未建

養濟院 寇燬今於城西南隅鑿窑數空安置

按月給糧

演武亭 建城東郭

南村巡檢司 在縣治北一百二十里寇燬順

治七年巡檢李聯芳創補

嵩縣治 在縣城內與宣威門相對明洪武元

年指揮任亮改作鎮署遂相沿為守禦千戶所

洪武二年知縣王景道重建於城西北隅明末

寇燬

皇清順治十七年知縣楊厥美因軍屯歸併有司遂

仍將千戶所改為縣治內原有近民堂二間又

創儀門三間左右角門各一間東建吏戶禮三

房共六間直北建收糧房三間西建兵刑工三

房其南為承發司直北則連東房通六門堂下

東西皂隸房各一間堂後為便署五間東西廂

房後為官宅凡五間左右有廂房後有亭扁曰

樂壽亭儀門西為獄南為倉前為譙樓外東西

為申明亭旌善亭今廢

典史宅在縣治內

東察院西察院俱在縣治後

陰陽學醫學

僧會司道會司

巡檢司今俱裁

養濟院漏澤園

盧氏縣治在縣西街漢時所置歷晉隋唐宋

以來皆因之元末兵燹明洪武元年知縣李可

民因故址重建九年知縣王桓改修成化八年

知縣沈源重修明末焚燬

皇清順治四年知縣劉瀾又因故址重建扁其堂曰

親民堂正堂三間東西庫房二間退思堂三間

儀門一所東房三間十四年知縣鄒印光重建

西房三間承發司一間大門樓一間十八年知

縣任登級重修

典史宅在縣北街順治十四年知縣鄒印光

重建

養濟院 在縣城內

陝州治 在州城西北隅後魏時建後廢置不

一至元末兵燹明初知州聞人桂因舊址創崇

禎八年寇燬知州陳道蘊重建越五年又燬

皇清順治七年州守滄州劉世傑捐俸重建視舊更

為弘廠正廳七楹內東西二楹為庫廳後為後

廳廳前為甬道甬道中為戒石坊坊前為儀門

儀門東西為兩角門儀門內為土地祠為馬廐

又正廳東為架閣庫庫北為東三房西為承發

司司北為西三房又後廳為知州公廨正廳西

北為吏舍儀門西為獄前為大門大門外為申

明亭旌善亭又為東榜房西榜房又前為譙樓

南為鐘樓西南為倉

同知公廨 在州治正廳東今裁廢

判官公廨 在州治正廳西寇焚燬

吏目公廨 在判官廨南寇焚燬

布政司行臺 在譙樓左

按察司行臺 察院 府館

陰陽學 醫學 俱燬

稅課司 在州治南今廢

僧正司 在州治東南萬壽寺內

道正司 在州治南佑德觀內

養濟院 在察院西今廢

靈寶縣治 在縣城之北鼓樓三間儀門三間

正堂六間六房東西各七間堂左贊政廳三間

右庫房三間無倦堂三間熙春堂三間糧房三

間東寅賓館西三神祠

陰陽學 在西察院前今廢

醫學 在縣治西今廢

道會司 在上察院迤西近北城司毀基址存

僧會司 在御題寺後

鐘樓 在縣治今廢

府館 在縣城南門內房毀址存順治十年縣

令郭顯功改建白衣觀音堂

稅課司 在號略鎮房毀址存

迎候亭 二一在縣治東三里址無考一在弘

農澗西三里基址存

巡檢司 舊在號略鎮嘉靖十一年縣令荀汝安移蓋朱陽鎮今巡檢居乃鎮之公館司之房毀址不可考

公館 在號略鎮往來上司安歇係重修

閩鄉縣治 集鴻堂舊名牧愛堂明洪武間知縣趙仲益創建邵演黃方復修

皇清金鎮改今名堂之東為幕廳西為儀仗庫南為戒石亭東西為廊各七楹以棲六曹夾道之南

為囹圄西北為小倉戒石亭南三楹為儀門左右兩楹為角門儀門外東西房為徵收所偏東為寅賓館又東為土地祠大門儼若城闔而重樓其上曰譙樓大門外左右為申明旌善二亭大堂後為節愛堂其東為官庫其西為火藥局東北隅為大倉西北隅為支房三間供應過往中為戟門門以內為內室

縣丞宅 在知縣宅東

典史宅 在知縣宅西

僧會司 在覺勝寺

道會司 在朝陽觀

槽斲所 在集鴻堂東

養濟院 在東街

惠民藥局 在縣治西

漏澤園 二一在東關外五里一在城西五里

演武場 在西關

